



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: KSI-09-127/25

Datum: 14.05.2025. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po neanonimnoj prijavi od 29.04.2025. godine, protiv [REDACTED] nosioca javne funkcije, člana [REDACTED], radi utvrđivanja sukoba interesa, Komisija za odlučivanje o sukobu interesa, na 120. sjednici održanoj dana 14.05.2025. godine, donosi

ODLUKU

Postupak za odlučivanje o sukobu interesa protiv [REDACTED], koji je sa danom 13.03.2023. godine prestao obnašati javnu funkciju, neće se pokrenuti, obzirom da iz dokumentacije i radnji ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 29.04.2025. godine Komisija za odlučivanje o sukobu interesa zaprimila je prijavu od strane [REDACTED] zastupane od strane [REDACTED] radi sumnje na povredu odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanje sukoba interesa protiv [REDACTED] koji je sa danom 13.03.2023. godine prestao obnašati javnu funkciju.

U prijavi se navodi da su [REDACTED] godine kao zamjenici članova imenovani dr [REDACTED] i dr [REDACTED], te da [REDACTED] godine kao član [REDACTED] imenovan [REDACTED], te da su sva navedena lica [REDACTED] godine, imenovana za članove odnosno zamjenike [REDACTED] komisije, čime bi mogao nastati sukob interesa

iz okolnosti da ista lica treba da učestvuju u odlučivanju i u prvom i u drugom stepenu u postupcima pred Fondom zdravstvenog osiguranja Brčko distrikta BiH.

U prijavi je takođe navedeno da je [REDACTED] Odlukom o imenovanju Komisije za utvrđivanje sadržaja listi lijekova broj: [REDACTED]. godine, imenovan za člana Komisije za utvrđivanje sadržaja listi lijekova. Takođe se navodi da je istom odlukom kao član Komisije za utvrđivanje sadržaja listi lijekova imenovana i [REDACTED], koja je prema saznanjima podnosioca prijave u tazbinskom srodstvu sa [REDACTED]. Nadalje, u prijavi se navodi da je [REDACTED], supruga [REDACTED], a sestra [REDACTED] član Agencije za lijekove i medicinska sredstva BiH ispred Brčko distrikta BiH, te da su funkcije navedenih članova nespojive sa njenom funkcijom.

Naime, članom 2. tačka a) Zakona o sprečavanju sukoba interesa u institucijama Brčko distrikta Bosne i Hercegovine propisano je da „sukob interesa“ postoji kada nosilac javne funkcije ima privatni interes koji utiče, može uticati ili se stvara utisak da utiče na obavljanje javne funkcije. Nadalje, tačkom b) istog člana propisano je da je „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine (u daljnjem tekstu: Skupština), odnosno Vlada Brčko distrikta Bosne i Hercegovine (u daljnjem tekstu: Vlada), ukoliko drugim zakonom nije drugačije propisano. Tačkom c) navedenog člana Zakona propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lica koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Uvidom u dokumentaciju koju posjeduje Komisija utvrđeno je da je [REDACTED] na osnovu Odluke broj: [REDACTED]. godine imenovan za člana Nadzornog odbora JZU „Zdravstveni centar Brčko“ Brčko distrikt BiH i navedenu funkciju je obnašao do 13.03.2023. godine.

Članom 21. Zakona o sprečavanju sukoba interesa u institucijama Brčko distrikta BiH propisano je da je nosilac javne funkcije dužan podnositi Komisiji Izvještaj o imovinskom stanju dvije godine nakon prestanka obavljanja funkcije, i to jednom godišnje, do 31. marta tekuće godine za prethodnu godinu, a članom 32. Zakona u stavu (13) propisano je da postupak utvrđivanja sukoba interesa, odnosno povrede ovog zakona ne može biti pokrenut protekom roka od četiri godine od učinjene povrede.

Pravilnikom o dopunama Pravilnika o uslovima i postupku za stavljanje lijekova na liste lijekova Fonda zdravstvenog osiguranja Brčko distrikta BiH broj: 015-180/7-UO-112/19-1 od 12.03.2024. godine propisano je da se Komisija za lijekove Fonda zdravstvenog osiguranja Brčko distrikta BiH sastoji od stručnjaka zdravstvene, farmaceutske, ekonomske i pravne struke, te da se u sastav Komisije za lijekove obavezno imenuju ljekari predstavnici primarnog i sekundarnog nivoa zdravstvene zaštite, magistar farmacije, kao i diplomirani pravnik i diplomirani ekonomista.

Odlukom o utvrđivanju kriterijuma za izbor članova stručnih komisija Fonda zdravstvenog osiguranja Brčko distrikta BiH broj:015-180/7-UO-40/17 od 04.05.2017. godine, Odlukom o izmjeni odluke o utvrđivanju kriterijuma za izbor članova stručnih komisija Fonda zdravstvenog osiguranja Brčko distrikta BiH broj: 015-180/7-UO-40/17-1 od 21.12.2020. godine i Odlukom o izmjenama odluke o utvrđivanju kriterijuma za izbor članova stručnih komisija Fonda zdravstvenog osiguranja Brčko distrikta BiH broj: 015-180/7-UO-40/17-2 od 10.10.2023. godine, propisuje da su Prvostepena komisija za utvrđivanje privremene spriječenosti za rad kao i Drugostepena komisija stalne stručne komisije Fonda zdravstvenog osiguranja Brčko distrikta BiH. Istim odlukama se navodi da se Prvostepena komisija za utvrđivanje privremene spriječenosti za rad sastoji od četiri člana doktora specijalista različitih grana specijalnosti iz zdravstvenih ustanova Brčko distrikta BiH i jednog člana zaposlenika Fonda. Nadalje se navodi da se Drugostepena komisija sastoji od pet članova, od kojih su četiri člana ljekari specijalisti različitih grana specijalnosti iz zdravstvenih ustanova Brčko distrikta BiH i jedan zaposlenik Fonda, diplomirani pravnik.

Drugostepena komisija rješava po žalbama na akte Fonda zdravstvenog osiguranja Brčko distrikta BiH koja su donesena na osnovu odluka Komisije za utvrđivanje privremene spriječenosti za rad, i Komisije za utvrđivanje prava na zdravstenu zaštitu van ugovornih zdravstvenih ustanova s područja Brčko distrikta BiH i odluke o pravu na ortopedska pomagala. Drugostepena komisija ne odlučuje po odlukama Komisije za utvrđivanje sadržaja listi lijekova.

Iz navedenog je jasno da u sastavu Komisije za lijekove kao i u sastavu Drugostepene komisije osim članova tačno određenih medicinskih struka mora kao član biti i osoba odnosno zaposlenik Fonda, pravne struke. Uvidom u Registar zaposlenih vidljivo je da Fond zdravstvenog osiguranja Brčko distrikta BiH trenutno ima zaposlene tri osobe pravne struke, odnosno pravnika, a do 14.10.2024. godine postojala su samo dva zaposlenika pravne struke, te je nadležna osoba odnosno direktor Fonda zdravstvenog osiguranja Brčko distrikta BiH prilikom imenovanja komisija imao ograničen broj pravnika koji su mogli biti imenovani u odgovarajuće komisije Fonda, jer su pravnici osobe koje izrađuju odgovarajuće akte odnosno odluke komisija Fonda zdravstvenog osiguranja Brčko distrikta BiH.

Nadalje, imenovanje Komisija Fonda zdravstvenog osiguranja Brčko distrikta BiH vrši direktor Fonda zdravstvenog osiguranja, te odgovornost [REDACTED] samo kao član u komisijama nije vidljiva, u ovom slučaju obzirom da isti ne imenuje članove i zamjenike komisija koje postoje u okviru obavljanja dijela Fonda zdravstvenog osiguranja.

Vezano za druge navode iz prijave, odnosno imenovanje srodnika po tazbini [REDACTED] [REDACTED] u Komisiju za utvrđivanje sadržaja listi lijekova, kao i imenovanje njegove supruge za člana Agencije za lijekove i medicinska sredstva BiH ispred Brčko distrikta BiH, Komisija za odlučivanje o sukobu interesa nije mogla utvrditi bilo kakvu povredu odredaba Zakona o sprečavanju sukoba interesa budući da [REDACTED] nije rukovodilac i ne vrši imenovanja članova u navedenim komisijama, a navedene osobe po saznanju Komisije nisu povezana lica s direktorom Fonda zdravstvenog osiguranja Brčko distrikta BiH.

Komisija shodno odredbama Zakona o sprečavanju sukoba interesa u institucijama Brčko distrikta Bosne i Hercegovine tako i pozitivnim zakonskim propisima, direktoru Fonda kao nadležnom licu za imenovanje Komisije za utvrđivanje privremene spriječenosti za rad, Komisije za utvrđivanje sadržaja listi lijekova i Drugostepene komisije za rješavanje po

žalbama sugerisat će, da ista lica ne imenuje u prvostepenim i drugostepenoj komisiji, obzirom da je uočeno imenovanje istih doktora i u prvostepenu i drugostepenu komisiju, te da ubuduće shodno mogućnostima, u komisijama ne imenuje iste osobe bilo medicinske ili pravne struke.

Primjenom odredaba Zakona o sprečavanju sukoba interesa u institucijama Brčko distrikta BiH, Komisije je donijela odluku kao u dispozitivu.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik
Komisije za odlučivanje o sukobu interesa

Admira Mujić, dipl. pravnik